

豐城縣志卷之十四

人物六

明

唐大章字伯和號元璞北門人萬歷丁未進士殿試已定元時神宗攝靜臚唱亦不視朝宰臣欲私其意中人又怒大章不先謁已遂易置二甲第七榜下譁然特授編修丙辰分較禮闈所拔如劉鐸曾櫻輩皆忠義士也天啟初陞諭德掌南京翰林院印信帝獎以對彤廷而名擬魁三儲玉堂而詞幾絕六歷國子監祭酒兼侍讀學士特進懋修聖學疏大略謂真德秀

豐城縣志

卷十四 人物

一

之大學衍義主于理其義大而簡邱濬之大學衍義補主于事其義確而詳欲救時弊惟邱氏書為尤切又謂往歲遼東失事皆由乖氣召變不于此時施仁政以固民心倡古道以維末俗使天下耳目不亂法守彰明世道將安所底止今之畢智慮贊廟謨者不曰練兵則曰集餉然非人主省刑薄稅加意窮黎安所得赴義之兵而驅之安所得樂輸之餉而用之奏上帝嘉納海內傳誦咸嘆為經國名言擢禮部右侍郎會逆璫魏忠賢亂政大章日以社稷安危為慮有請建逆祠于國學傍者大章發憤抗言曰太學之傍

豈容閹穢力持不可。議遂寢。竟以是忤逆璫意奪職歸。崇禎嗣統。逆璫誅首。賜召還。詔書有坊表揭而吾道尊忠碩存。而兇璫忌錮之黨籍九廟。亦式其孤貞。採及師輿。三代猶存。其遺直之語。轉吏侍。晉禮部尚書。掌詹事府教習庶吉士。纂神宗熹宗實錄。賜銀幣加服俸一級。旋兼掌翰林院學士。克經筵講官眷注。日隆。兩與枚卜。同列謂之曰。稍委蛇大拜可必得。大章正色曰。平生不曉干進何來。此言同列慙之。又深鄙輔臣周延儒溫體仁之爲人。每論事面斥其非。故陰爲所沮。屢疏乞休。帝慰留再四。甲戌改南遂歸里。

六子。三十六孫。逸膝一時所未有也。乙亥卒于家。年八十。訃聞。贈太子少保。遣官諭祭。造墳祔配合葬。如禮。大章端凝厚重。有古大臣風。居鄉恂恂。人以長者稱之。事父良臣備極孝養。良臣任浙江。西安丞。三攝縣篆。勤慎慈廉。政蹟卓異。祀名宦。大章歿。與父同俎。豆于鄉賢。輿論最爲允愜。著有文集十卷。門人馬世奇梓以行世。

孫舉海。字楚卿。邑前人。自幼卓有志節。習舉子業。不屑爲鉅釘語。每曰。釜邊菜指無當于飽。博覽載籍。一往領要義。中年困于場屋。家無瓶盎之儲。散懷高寄。誦

讀之餘。取斗酒以自勞。間一咏歌。聲出金石。忘其在負郭窮巷也。領萬歷戊午鄉薦。任彭澤教諭。陞湖廣湘鄉知縣。清標凜烈。屏絕膏潤。蔬食布素。一如恒時。賓客過從。終日無以爲具。啜粗茗。一再巡竹盤。剝落磁甌數箇。亦雜然。利缺無一色完好者。其高致類如此。同時馮玉鉉亦以清約豪逸著聞。與舉海最友善。玉鉉名鼎臣。泉塘人。中天啟甲子鄉試。授廣西北流知縣。

李維喬。字梁父。南湖人。少有英名。博綜群書。于古今文體無不兼擅。每試輒第一。成萬歷己未進士。授常州

豐城縣志

卷十四 人物

三

府武進知縣。武進爲江南望邑。賦役繁重。仕宦鱗萃。胥吏盤踞。爲奸豪僕乘之。表裏相結。遂至侵牟田稅。朘削小民。漁獵行戶。維喬一一釐革之。首禁火耗。庫無羨錢。衙門積蠹。廉得主名。悉寘諸法。豪僕習爲扞網者。禁斥不少貸。初閱錢糧比簿。分官民二冊。每遇徵比。止民戶按籍可稽。官戶率後期不至。維喬曰。正供一也。食祿逋賦。非負國耶。以一例行徵比。而糧無侵欺。民間毫無所擾。雖一觴酒一豆肉。不以恩行戶。孫宗伯慎行少許。可獨稱其爲廉能。令邑當往來孔道。持斧按部者。車騎相錯。維喬一以清約相奉。絕不

飭厨傳。以結上官。過客歡。尤加意學宮。博雅知名士。如陳伯玉等。皆極爲汲引。莊少司寇。應會時尚幼齡。即以公輔期之。薦牘相繼。治行當殊。擢竟以疎節忤。鹽臺意解任歸。尋改武學教授。卒于京邸。未竟所負。時論惜焉。

楊嗣堯。東城人。性篤孝。尤善體親志。事諸父。敦謹無間言。撫其姪如已子。萬歷癸丑。詔旌其門。

黃大受。字應偉。城南人。萬歷己未進士。筮仕大理寺評事。論獄多所平反。有于張兩廷尉之風。輸餉榆林。時值溽暑。叱馭往返數千里。三軍感悅。歡聲如雷。陞兵

豐城縣志

卷十四 人物

四

部車駕司主事。巡視皇城。清豪占內地。汰軍伍老弱。戎政整飭。尋遘疾卒。

丁夢陽。字開明。沙湖東城人。崇禎歲貢。天資穎慧。甫七歲。題齋壁云。月挂青霄富貴人。居盡省光華穠艷。翻堦芍藥清香。出沼荷花當時老。宿以翻用富貴光。華目爲奇才長。博通經史。爲古文詞。渾雅質與恥作。魏晉六朝人語。行誼端慤。雖燕居必正襟危坐。無斯須踰軌。則尤以孝友著聞。撫弟姪委曲周至。每訓其族黨曰。凡事務存天理。奈何放失其心。致俗不長厚哉。里中執經請業者甚衆。所知交皆一世名碩。如唐大

宗伯。邱少宗伯。傅光祿。數過訪其廬。嘗嘆與開明對。無異在冰壺中。崇禎二年。詔舉學行兼優之士。郡邑以夢陽應不就。所著有洛誦堂諸集行世。子序琨。字曼器。領崇禎庚午鄉薦。以庚辰特用授兵部職方司主事。歷刑部員外郎。陞雲南臨安知府。居官廉介。執法不撓。卒于任。

雷化鱗。字元龍。鐔舍人。天啟壬戌進士。授工部營繕司主事。三殿工興。管瑠璃黑窰二廠稱職。時璫燄熏灼中外。阿附而殿。差諸司尤璫所屬意。化鱗不少委曲。竟以忤璫落職。璫敗。賜還原官。轉副郎部。題督造陵

豐城縣志

卷十四 人物

五

工。故事竣。例得優。擢同官。有覬是差者。遂推讓無難色。尋管寶源局。局素羶穢。叢弊尤甚。化鱗持已清正。始終不私一錢。人不敢干。未幾出守興化。所屬令有過。鏗急者。致濱海奸民嘯聚為盜。城野囂然。化鱗片言定亂。殲渠魁以正國法。地方寧謐。衛弁某督造戰艦。被誣抵罪。院司坐以冒破。擬贓千計。化鱗廉得其枉。力為申豁。弁得釋。進粵西憲副。整飭右江地。故隣交趾。猺獞雜處。八寨洞賊為患。號為難理。土司鎮安田州。頻年爭奪。化鱗下車。即飭營堡嚴守備。檄諭解散之。數十年不戢之患。以息。陞大叅。備兵左江。以前

守閩時有所抵牾。遂罷歸。

余有敬字元禮。大井人。天性孝友。幼嗜學。凡墳典邱索人所罕見之書。莫不博通。淹貫文章。淳雅兼工吟咏。度量超越。更篤聲氣。孳孳以汲引後進為快事。天啟甲子舉鄉試第一。署東鄉學教諭。歷吏部司務。先是本邑漕南米歲編民役運解。賠累之苦。至斃刑獄者無算。有敬官京師。以余直容疏白其事。下撫按議。覆時鄉先達合諸生條對。與郝尹錦定為官解之法。力請之。上臺陳于朝。永著為令。邑民賴之。

李右讜字獻思。東革子。登天啟乙丑進士。筮仕陽江縣。

豐城縣志

卷十四 人物

六

縣濱淮海。寇李魁奇破沿海諸郡。邑勢甚熾。右讜捐資築銃城于北津。雙魚海朗諸要害處。賊攻圍數旬。無所得解去。丁卯分校粵闈。所拔皆名宿。秩滿當去。士民立石建祠祀之。頌其德政不衰。入拜監察御史。巡按江左。首定溧陽桐城之亂。再按畿南。冒溽暑親歷固關。倒馬龍泉三關。查其兵馬城堡。總將領而殿最之。守備以固。時屬郡有礦穴。議者欲開以佐軍需。右讜疏諫得止。潞王欲造王店于部內。民驚擾。右讜移書責王。以藩臣宜守祖訓。王氣折。事亦寢。時淮楊流氛猖獗。奉命按視。至贛城。即以祖陵守御為慮。請

加防築。環衛繚垣若干里。天子嘉焉。賚金進級。中貴  
楊顯名。視鹺兩淮。行多不法。右讜連章暴其罪狀。得  
旨撤回。右讜亦因以告歸。當其初擊璫也。顯名有與  
援多蓄健兒刺客。禍且不測。堂吏泣諫。右讜不聽。疏  
竟上其風裁類如此。里居數載。當事重其行誼。每有  
興除輒造請以爲常。先是。縣城頽圯。朝廷方以四事  
責郡邑。右讜與邑令相視形勢。增修雉堞。民不勞而  
功成。又駐防之兵望煙冗食。難于遽裁。右讜白諸大  
吏立撤之。而耗餉以節。邑舊苦編差。每僉克身家與  
歲租立盡。右讜慨然曰。條鞭法行徭役實合。何重困

豐城縣志

卷十四 人物

七

吾民爲力。請兩臺題疏。永革。右讜平居恂謹。無倨容  
至。臨大事則毅然不可犯。有蹇諤風。世稱爲真御史。  
楊惟休。字叔度。惟相弟。以貢授保定通判。管宣府赤城  
事。所著泰昌日錄。僅載元年庚申八月事。自萬歷末  
至天啟初。元諸大政悉櫛括其中。其記挺擊。紅丸。移  
宮。三案。顛末甚悉。大抵是王之案。而褒劉一燝。周嘉  
謨。楊漣等之忠。魏忠賢見之大怒。其黨霍維華。疏指  
一燝等朋比。并劾。惟休以草莽而記注朝廷起居。且  
稱述舛錯。奉旨追燬日錄。褫其職。時惟休已之宣府  
訛傳屢至。因仰藥卒。忠賢嫉劉志選。再劾之。未幾三

朝典要與所掎擊。必日錄所是所嘉。與必日錄所非者幸。惟休已死。獲免詔獄之慘死也。惟休著述甚富。遭兵燬。遂無全帙。五經宗義二十卷。僅存易論六篇。辨體一篇。歷代長帙七十四卷。僅存戰國之齊楚系。南北朝之十八家。閩外春秋數卷。天文四卷。僅存日行月行。日蝕月蝕。星緯辰論。大衍歲差。霾論。暈論。數篇。衛邊要略一卷。僅存博塞一篇。宣雲二篇。東事客對一篇。他如大治錄二十卷。武畧十卷。古詩評選十卷。楚餘四卷。芒書十卷。舒嘯堂雜劇十卷。博古一卷。地輿一卷。佛宗一卷。樂府一卷。皆失傳。

豐城縣志

卷十四 人物

八

羅大任。字小遜。京堆人。爲諸生時。家苦貧。營館穀于荆湘中。旅次忽心動。泣曰。吾堂上得毋有恙乎。亟返。母果卧牀半月。人以其孝。方曾子。成崇禎四年辛未。進士。改庶常。轉授檢討。丁丑。分較禮闈。棘甫撤。而父訃適至。服闋。除國子司業。晉中允。入直經筵。嘗講春秋詞旨。清亮進退閒適。帝目之曰。新講官可謂安詳。一日講寶訓畢。復命講律。大任于律中。以准皆各其及。即若八字。每字中各疏一百餘言。言言矜惻。帝爲動容曰。朕聞寶訓不勝爽然。聞律令不勝惻然。每箇字中有許多義例。安得不惟刑之恤乎。其見稱美如此。



陞諭德。旋遷祭酒。甲申春。闖賊犯京師。大任以儒吏清曹。徒抱憂感。三月十九日。遭異變。仰藥不死。即投環。從者力救得蘇。迨賊南遁。俵俵歸里。遂堅杜不出。督院蔡士英撫院卽廷佐屢疏薦辟。悉以疾辭。晚號遁庵。自題壽域曰處士。以年卒于家。大任學問淵博。文章酷類韓蘇。立身行己。綽有本末。經濟夙具。卒以沉晦自寂。識者悲其志焉。

熊培元。字大初。瓘山人。少穎敏。于書無所不讀。遇經史與義輒索隱探要。一往而深。模範端肅尤嘉。與後進意氣勤懇。人爭師法之。崇禎癸酉膺鄉薦。庚辰特用授朝城令。刑政清簡。歲大饑。撫卹多方。間有可爲百姓請命者。不遺餘力。民呼慈父焉。時盜賊蠡起。培元且夕巡緝。修城池。備戎具。賊卒不得逞。以勞瘁嬰疾。遂卒于官。

左侍。字孟忠。墉上人。性嚴謹。學問醇正。年五十九。登崇禎癸酉鄉試。授沅陵教諭。先是司鐸者聽諸生訟。不論曲直。輒窘辱之。以規利侍。至嘆曰。朝廷設教職。以造士也。如以利縱便身家。奈辱朝廷何。於是力持清介。士論翕然。遷處州同知。貧不能辦。行李有餽遺者。皆峻卻不受。惟攜一子一僕之任。旋攝龍泉縣篆。徵

收革火耗。且還其羨金。卒于官。

游允達。字兼之。安沙人。天啟鄉舉。授獲鹿令。歲大饑。稱貸賑濟。存活無算。各邑輸納恒苦火耗。允達令里甲自封投櫃。不假手吏胥。邑當山右要衝。供億浩繁。錙銖不擾於民。捐貲建礮臺。度賊所必經處。碁布之城。屹若金湯。屢登薦剡。覩國事可憂。力以病請臺使。爲具題。允以病痊起用。離任。士民立去思碑。

鄧邦榮。字隣蛟。邑郭人。少從徐匡嶽講止修之學。制行端謹。不踰尺寸。教授生徒。出其門者皆彬彬質有其文。如瀟江聶心湯。以進士起家。蘄節冰操。尤稱不愧。

豐城縣志

卷十四 人物

十

師訓。由歲貢授安義訓導。教士惟以敦崇行誼爲先。屬安義令。缺上臺廉其品行。委署經年多惠政。士民親愛之。隨陞温州府衛經歷。歸里。邑尹重其操行。屢賓飲匡嶽所著易說。邦榮參訂居多。其他著述亦富。今散失無傳。

甘大綬。字子紆。北澤人。九歲通性理史鑑等書。遂錄入庠。有神童稱。嘗居會省。名紳子弟爭執纁幣質疑難。與言。娓娓各愜。所得以去。崇禎庚午舉于鄉。丁丑登進士。授武陵令。時闖獻二賊寇亂荆楚。事勢孔棘。輔臣楊督師襄鄖。兵餉萬倍。催徵旁午。大綬補綻支柱。

諭百姓引分輸納。襁屬于道。師始濟。又單騎裹糧。循行原野間。勸民開墾。歲得田萬餘畝。中丞宋上其事。奉勅紀錄。以風厲全楚。武陵逼處箐洞。且巨湖阻水。寇多嘯聚其中。激之。則連合楚寇爲患。滋大大。綬設法撫輯。盜遂解散。闕東壁館處諸生資其膏火。暇時輒親詣督課。鄉閭分較得雋。五人皆素所識拔者。丞舍火。肅冠帶端拜。火隨熄。隣邑多蝗。爲文籲城隍。神蝗不入境。人謂爲至誠所感。奏最入京。中途遘疾歸。卧數年卒。所著有二白齋素言集。

唐士鳳字瑞華。尚書大章冢子。篤學力行。崇禎二年以

豐城縣志

卷十四 人物

十一

廢。歷工部郎中。釐剔積蠹殆盡。帝器其才。特命提督山東北河道。時流氛正熾。大徵兵餉。士鳳坐鎮張湫。規畫越常。事無留滯。漕河兩府交薦。將考績入覲。聞父訃。棄官歸。服闋。屢詔不起。家居與客論朝廷事。輒感歎泣下。甲申。聞逆闖陷京師。莊烈帝崩。號痛咯血。幾絕。傾家糾義莫遂。厥志會福王在留都。大學士姜曰廣吏部侍郎呂大器薦堪大用。召至中途。而留都又破。遂歸遁跡鄉莊。結茅庵以終。隱足不履城市。垂十餘年。官吏無從物色之。卒于庵。著有寶翰樓集。庵中隱述數十卷。

劉逢盛字時舉號隆初荷溪人德性端凝學問深邃少時齋前有產芝之瑞迨壯美髯過腹望之超然度遠咸以公輔相期許登崇禎癸未進士是年以亂警十月始臚傳居京師延譽日衆諸公要人爭羅致之不得會促選授行人司行人奉命冊封樂安建安保寧三藩甲申三月李自成陷京師中途聞變耗志以死殉竊恨甫通仕籍旋聞關數千里外未展一言一力報國恩不食者屢日以母耄年在籍重傷厥心乃強歸然中懷隕怛耳卒失聰

國朝新命後部院孫閣部洪司農梁稔知才可大用數

豐城縣志

卷十四 人物

十三

文章薦固辭不仕隱居林下三十二年卒湯念平贈有一肩重任綱常擔萬古芳名竹帛垂之詩同年友楊殿撰子大鯤守江州爲誌其墓子兆彛有文行

史垂譽字望之著棋巷人崇禎癸未進士是年以闖賊警臚傳後期改庶常則距甲申無幾矣當城破時垂譽入翰林未久賊覓得誘降不屈賊怒極恣拷掠絕而復蘇者數次因不食有勸以二白在堂身無血屑者乃勉強復食及賊南遁裹創徒跣歸里督撫文章薦悉辭以疾杜門著述竟以跛履終其身

胡學浹字悅之旗塘人少負才名與同郡陳士業萬茂

先徐巨源余小星相友善。江南復社興。屢致書招之。學泮間出所長。往來其間。極見推于張受先。陳卧子。楊維斗輩。是時諸人意中咸謂以彼其才。奏長楊而陪豹尾。直且暮事久之。困塲屋鬱鬱不自得。作廣己賦以見志。曰。壬午之秋。落名鄉闈。買舟。章門小奚相依告別。友生執手歔歔長揖登舟。溯流西歸。入門呼婦靜掩簾幃。蓬首伏枕。怵憚淒其聞聲忖度。謂余心悲。起戒家人。無遭怒罵。磯激褊腸。有禍則嫁。變嗔爲喜。煮茗慰藉。余乃手爐注泉乳。飛濤瀉。既啜茗而覆囊。復索酒而命筭。婦乃酌酒而進。曰。昔師徒敗衄。盛

氣疾容。或擊壺而呼驥。或撫刀而呼龍。悲歌感慨。嘗不知涕泗之何從。今胸曠落而鮮鬱。氣和平而彌冲。事非塞翁之馬。情詎楚人之弓。胡昔之戚戚若水泥之沾春絮。今之浩浩若敗籜之卷秋風耶。余乃酌酒而飲之。曰。子何見之不廣而意之少通也。余年齒迄于知非兮。閱歷少勝而多敗。俯仰縱橫兮。事鮮可而多怪。家徒壁立兮。不足憂。對詩書而稱快。忠孝節俠爲師兮。又何計夫蠅營。狗苟之孽債煩冤。百端之全集兮。胸中寧足以芥蒂。疇昔之夜。驥駑雜。繫風飄雨。惡巾墊衫。濕長檐短篷。麋。至翔集水深三尺。負墻榴

立龍門洞開循階。摸級唱名。嗚謦隔塞。莫入管折。兔脫藝松。鎔汁卷牘。狼藉對之於邑。或鼓或罷。或笑或泣。野鶴囚笈。驚猿驅笠。魂散莫收。文恥沿襲。持三日糧。示士卒兮。謂如遺芥之可拾。乃再刑而王不悟兮。雷轟轟而閉蟄。慨成弘嘉隆之淳龐兮。文章仰墨而被則守。高魯之規矩兮。暗中摸索而可得迄。世道之凌夷兮。顛倒布置。夫須眉襲唾餘之陳言兮。擗殘羨之腐醜。釣時俊之詭特兮。戲塵土于盤匱。千態萬狀以相偵兮。五色眩惑而莫知心。旌搖搖靡薄兮。又何辨夫正正與奇奇。余成童弄筆墨兮。擬陟雲路排天。

豐城縣志

卷十四 人物

十四

閻。雙丸跳擲。飛逝兮。散逢掖兮。鬢秋霜八戰而八蹶兮。寧盡誣夫雙目之無光。愧余技之未工兮。逢生命之不臧。友生謂余廩餼秩滿兮。明經可貢天子之堂。詎廣文之青氈兮。寧足究余之行藏。雞肋之不足味兮。爭矜惜于一擲。迄進退之失據兮。始悔資身之無策也。玉枉抵鵲鐵難鑄。錯檻猿就疲。蠶蠶自縛。見客不舞。既笑羊公之鶴別。主長嘶。寧作白公之駱日奮。桑榆弈營邊角。竇長號。願趙兮。誤代而榮駟。龐眉爲郎兮。邁武而噓氣。數之去兮。夸父莫追。事會之來兮。巢由難卻。又安見詩書之味甘。如飴。羌含咀而饒嚼。

也負弩長征。執爨前躍。騁襄鄧。遵河洛。覽燕趙之山川。覲帝都之城郭。曳裾侯門。作賓叅幕。磨盾草檄。掀髯談畧。錄發縱指示之功。邀卿士大夫之爵。功名雖殊。遭逢相若。久屈少伸。詎同尺蠖。所慮者正平氣豪。江夏性蠹。有言不信。謂我來謔。倚勢憑威。欺寒侮弱。將搖尾而乞憐。抑縱鱗而歸壑。南山之南北山之北。焉往而不得貧賤。而不躬耕以自樂也。吁嗟乎鴻振羽儀。漸達路兮。鷄適榆枋。飽吭唳兮。白雲詩賦。聊自喻兮。名山姓字。永終譽兮。輕重持權。長短審度。買璞棄鼠。逐麋畧兔。如醉斯醒。如夢斯寤。彼未足喜。此未

豐城縣志

卷十四 人物

十五

足怒汝乃執向者之戚戚。概今日之浩浩也。汝則誤矣。婦聞而笑。洗琰更酌。西風入戶。北斗倚閣。頽然就醉。不知近况之搖落。賦出人爭傳誦之。甲乙之變。學淡年已五十。當以明經需次。得官夷然不屑。就家殖荒落。遂棄舉子業。舉凡生平抱忠孝沉痛。胸中慷慨牢騷。歷落排宕之氣。無可告語。悉發之於詩。識者謂有杜少陵遺致。大興宗尹彛來豐。知爲老儒。特設一榻以待。嗣是何尹士錦房。尹廷禎。愈加禮焉。爲梓其大雅堂正集。四方名士日造廬請謁。自號密菴居士。八十餘歲乃卒。

國朝

熊明遂字仲良。瓘山人。順治丙戌魁于省。授江都令。清而不刻。寬而不怠。邑故繁華。約之以儉。民誣訟者。虛衷得其情。惓懇開諭。有漢卓茂禮教之風。不數月政簡賦足。治大有聲。值編審之役。悉心詢訪。手自編訂。冊成人心悅服。積弊咸消。衙內無長物。惟古書字畫而已。士大夫以廐馬高骨。野鳥窺厨爲頌。去之日。父老相率送之數十里外。

甘文奎字大啟。邑郭人。初以天啟壬戌選貢。授南陵令。改昭平。多政蹟。行取刑部主事。順治初。整飭順廣等

豐城縣志

卷十四 人物

共

處兵備道。兼理軍屯事務。丙戌陞右叅議。分巡下荆南。鄖襄道。駐劄襄陽。招叛逆。撫殘黎。通商勸農。修城禦寇。嚴飭屬吏。時叛逆王光泰王昌等。以渠魁王光恩被文奎擒解京師。深啣之。乘署政蒞任。防少懈。即破城圍官署。擒文奎。極刑逼降。文奎不屈。厲聲大罵。遂死之。事聞。

賜祭葬。贈光祿卿。廕其子崇祀忠義祠。邑人舉祀鄉賢。

范禔字顧天。槎村人。順治丙戌舉人。歷任鉛山宜春教諭。陞河南新安知縣。新衝繁要地。兵燹後。人民流散。四野蓬蒿。城肆灰燼。學校頽廢。禔下車週視。嘆曰。因



哉斯邑。奚以危土。喚新安也。于是督耕稼。給牛種。清丈地。畝勸墾荒田。流民復業者八百餘家。捐俸築城浚池。修葺文廟。興復常平倉。以備賑荒。嚴革火耗。痛懲雜派。行戶不擾。贖鍰不取。其夫役侵挪鹽賈網利。及塗岫洛莊。兩洞流人私鑿爲新民害者。悉行禁止。歷任九年。政蹟多端。而祈雨驅蝗。返僮咒馬。尤推四異。治行考上等。以老疾歸。士夫頌其德。有才堪應。變繁如簡政。到無私創亦平之句。祀其主于名宦。

李子璋。字伯偉。長史東華孫。巡按右讜伯子。席累葉簪纓。性最好學。博極群書。當時咸以驚才絕艷目之。屢

豐城縣志

卷十四 人物

七

躋棘闈。晚始以明經領歲薦。遂無意仕進。栖止湖上。與張扶長。陳元水。胡悅之。饒蔚宗輩。往來倡和。抒寫性情。間托杖履于葱嶺。咏壁月于揚州。以寄其柳鬱無聊之。况諸同人。醵金梓其詩文。世所傳湖上草。亦園集是也。

涂象震。字子起。東城人。順治丙戌舉于鄉。壬辰中會副。除推官。爲便養計。不拜。改清江教諭。道義相尚。不受接。見贄幣。嘗曰。師席爲多。士表率以利交。非所以勵風俗正人心。其被賞識。登巍科者數十輩。曾解元。寅彭解元。恪均出其門。杜登聖每稱同譜中淳謹篤學。

誨人不倦。惟豐城涂子起。丁母憂。扶喪歸里。草履徒步。風雨不避。服闋。補龍南教諭。時邑科甲寥落。爲新聖廟。置學舍。令士肄業其中。學問精進者。獎拔踰等。文風因之煥然。遷撫州教授。太守稔其品行。經術。恒就諮訪政事。內擢國子監助教。士民愛戴。不忍舍。舟次浦口。得病。告歸。尋卒。著有小綠園文集。桃江墨滓行世。

甘汝亨。字衢上。甘洲人。以前明崇禎辛巳。選貢第一。入北雍。領壬午順天鄉薦。與梁大學士清標同門。最稱相契。及梁執政。屢書招之。僅一酬答。落落無所干謁。

豐城縣志

卷十四 人物

六

順治壬辰。得吉之永豐諭。越三年卒。汝亨生平。逖稽廣覽。聚精凝神。工于制藝。當天崇間。江鄉陳羅章艾。楊名甲天下。汝亨旗鼓。足與相當。杜御史登聖選。安雅多錄其文。極加稱賞。海內學者。咸宗之。

游華甫。苦竹人。順治二年。都統高馭兵失律。散掠入村。擒其父含。宇拷逼。罄所有不饜。含宇遂遇害。華甫以身翼父死之。一農家子。不諳詩書。而慷慨殉父難。天性篤矣。

李郁。字周生。南湖人。弱冠負文名。順治丙戌。與從姪基同領鄉薦。授安義教諭。此行戒其子曰。教官挈家之。

任人多俸寡勢必巧取以益費。即不以賍敗。終以貪玷。惟攜一僕去抵任。月課諸生。集學局試。所造就者如萬文煥。王應禎。皆先後登巍科。安邑稱頌有文章。于鏞利。品望斗山高之句。年五十遽謝病歸里。家市中非公事。未嘗一出。

黃炳啟。字佑君。刑部員外郎。翰曾孫。領順治丙戌鄉薦。中丁亥會魁。授陝西禮縣令。清廉自矢。剛正不阿。一日鞏昌守以上臺命。索買貂狐諸裘。而低其值。炳啟辭曰。貧官奚能辦此。將欲轉相轄取。如吾民何。遂以疾告歸。百姓遮道攀留。家居無殊一介。日以觴詠自

豐城縣志

卷十四 人物

九

娛。著有烏夜啼詩集。

陸履敬。字止敬。仙音巷人。順治己亥進士。例授縣令。自以體弱不勝簿書。不赴。凡令于豐者。有興革。必造廬商確。康熙甲寅。滇黔告警。訛言疊至城市。人驚竄入山。令禁止之。履敬曰。愚民懾于虛聲耳。寬其出入。則遷者返矣。請出示聽民自便。甫懸三日。民果復歸家。食數十年。著有豐邑志。前後藥餘草小雲間集。碧蓮園課若干卷。

夏日。至字子長。金之從孫。孤苦清介。勵志篤行。家極貧。惟族兄太遇資給之。他人餽贈。悉却不受。學問淹洽。

作文恥一字。拾人唾餘稿。成多爲人弋去。不自存。朋  
試省會。偶偕涂無功入書肆。評閱載籍。大恣論辨。肆  
中有一淵。然默坐。素不相識者。見其年少而語中肯  
綦。稱嘆不置。日至。請姓名曰。臨川陳際泰也。遂相契  
合。訂爲忘年交。

國初領歲薦。不復就試。莊方伯徵作白鹿賦。竒其才。欲  
薦之。力辭。延爲西幕。惜其詩文散軼無傳。

余配乾。字得一。從弟配元。字檀西。前村人。兄弟師友共  
爲鼓厲。一以學力勝。一以天資勝。配乾登康熙庚戌  
進士。任鉅野知縣。慈祥。豈弟。鞭扑不妄施。未幾致政。

豐城縣志

卷十四 人物

二十

楊尹慕其碩德。敦請鄉飲。以作桑梓典型。配元登順  
治辛丑進士。初禮闈主試。已定。元與副考意不合。抑  
置第二。及揭曉。主試見其名。嘆曰。數也。名已兆之矣。  
授任襄陽。時縣多虎。患入城噬人。配元至。作文籲城  
隍。神驅之。明日虎果遁去。士民爲建驅虎亭。勒碑紀  
其事。考滿告歸卒。

黃叔鉉。字彥冲。孝感令。時濟孫醇厚孝友。博洽群書。登  
順治辛丑進士。任廣西雒容知縣。其地控居嶺裔。坐  
躡交趾。猺獞雜處。古云柳慶以西八寨。號爲盜區。殊  
難馴服。叔鉉政尚撫綏。諳悉土俗。物情措置。咸宜。未

兩載。雖稱大治。以染烟瘴卒于任。

陳上善。字元水。原籍嘉定人。好遊覽。足跡所到。無不窮極幽險。詩名震海內。每奏一篇。競相傳誦。兼工策隸。宛轉關生。備得史王之秘。尤精鐫刻。識者謂爲妙絕。古今始寓會城東湖。厭其煩囂。改卜于豐。偕其子家焉。初上善以儒士任永寧知縣。大吏嘗督過之。嘆曰。陶元亮不可爲耶。即拂袖歸。著有山居集。適餘堂集。丁序珙。字石公。序珉從弟。博學工文。早擅時譽。順治甲午經魁。辛丑會試中式。康熙甲辰殿試第二甲。授西安縣令。抵任興利除害。植教維風。政聲大著。諸大吏交相列薦。因素厭繁劇。謝病歸。士民攀轅挽留者無慮數千。去後歌思勿絕。性清介。恥事干謁。所居距縣治不數十載。自歲時一刺外。未嘗過令署。人益高其風著。有心白堂稿。

甘豫亨。字和吉。別號龍西樵者。邑郭大街人。甫生而母逝。稍長。言及輒泫然淚下。父授以書。脫口即了大義。順治初。偕父隱于龍山之西。梓里岡。深究性理綱目等書。或諷以弋科名不應。奉父與繼母極孝。及歿三年。不御酒肉。人比之徐節孝。年老無子。因甚坐斗室晏然。著書其中。嘗乏墨。于山拾赭石以代。著有大易

外傳。殉難錄小憲一鑑。議論多闢。蠶叢不作經生。家言奉新甘冢宰。汝來極珍其書藏于家。

黃鏞字茂開。時濟孫。叔鉉從弟。領順治丁酉鄉薦。選山西交城知縣。膺特薦內陞主事。中途丁父艱。服闋改廣西平樂同知。調思恩軍民府同知。歷任均有政聲。而思恩面山背水。徭民相半。尤習于驕橫。多行劫殺。事鏞至。崇文儲武。恩威並用。三年土域帖然。因勞致疾卒。樞歸。同官太守姚文光嘉念政理。為文誌其墓。李基字子厚。號岵雲。南湖人。學問淹博。通河洛皇極星緯諸書。蚤歲為臨川章大力所賞識。登康熙甲辰進

豐城縣志

卷十四 人物

三

士。是科易制藝為策論。基邃于古。為文灑折有奇氣。闡墨出悉。推有歐蘇風力。初授思州推官。以母老固辭不就。家居十餘載。竭力孝養。母卒終制。改選河南嵩縣尹。嵩苦流賊。餘孽潛伏。箐莽間。數出為民害。前尹畏避不敢發。基抵任。親同營守。領兵壯捕獲渠魁二十餘人。寘之法。散其黨從。予以生業。盜頓息。嵩甚德之。立祠以祀。未一年。以疾告歸。子銓。雲字部工。由廩貢。歷任新淦永豐縣教諭。陞九江府教授。所至實心課士。多所成就。著有豐溪詩。潯陽近草。三湖舫集。

唐金棟字汝隆尚書大章孫。穎拔異常。為文恒不屬草。以明經得贛州興國司訓。素喜酒。每飲輒盡一石。至是謂所親曰。有日對麪生而可作青衿表。率乎遂戒不飲。課士最嚴峻。一見王宗伯思軾卷。嘆曰。此公卿器也。令肄業署中。與子姪輩分膏課讀。飲食教誨備至。後果登科第。仕至禮部侍郎。金棟歿十年餘。王舟行過豐。徒步哭奠其家。感念厚德不置。

熊培赤字若孩。瓘山人。康熙四年以孝舉任安福教諭。同族熊州俊前村人。負母避兵以孝聞。俱。巡按吳題旌。又孫天鳳幼喪父。事節母皮氏極孝。巡按王題旌。

豐城縣志

卷十四 人物

張泰來字扶長。以新建籍。領順治辛卯鄉薦。庚戌成進士。任山東金鄉知縣。愛民造士。為山左第一賢能。分校鄉闈。得孫勳卷。即決其當。弁冕天下。薦之。主司為解首。行取吏部主事。清操介節。不染纖塵。外轉廣東兵備道。以年老乞休。家于邑之大街。遂入籍為邑人。閉戶著書。馬中丞如龍。宋中丞帶並。以博雅推重。碑刻篆記。多屬之。著有蘭臺原。古錄。江西詩。社宗派圖。錄。壽雪亭集。曲水詩。略文選。原古錄。瓜棚偶談。諸刻。萬姓蘇。字更生。羅湖人。以貢授登封縣令。勤慎自守。奉檄清丈。除莊塋之額。遺愛無窮。

丁靈長字萬祚沙湖人。少從徐匡嶽遊。潛心理學。嘗會課東湖。同堂辨難。舉大學八條目。獨本修身為問。靈長援洪範九疇。一歸皇極以明之。眾皆服其得止修之宗為明。諸生屢試不售。遂棄舉子業。訪求名儒。足跡半天下。至閩。聞何匪莪倡學溫陵。往謁之。留講數月。匪莪嘆為弗及。康熙三年時近耄齡。何尹士錦延修邑志。孫復字亨來。康熙年間明經。曾孫真字南政。資穎力學。為文渾雅安和有先民矩矱。領雍正丙午鄉薦第一。

陸鴻漸字儀甫仙音巷人。中順治丙戌武科。任宿州守。

豐城縣志

卷十四 人物

五

備。轉潼關衛都司僉書。善詩文。兼工書畫。雅好儒士。時衛治有諸生關承運。因華郡考試事。波及罪。幾莫道。鴻漸憐其才。極力白之。事得釋。承運感德。圖其像祀于家。衛之士夫咸相愛戴。孫紹贄字碩卿。性穎敏。博涉群書。問字者屢滿戶外。領康熙乙酉鄉薦。為文不事艱。深陶企大。涂中五。楊百穀。亟推重焉。

周尚功字君輔南巷人。年二十二。以制府材官授畧陽守備。轉福山營都閫。時海逆寇京口。揚帆犯江南。尚功率兵赴援。戮力助戰。海鯨解去。陞福延遊擊。山賊李月高素號桀黠。聚眾堵糧自固。至即絕其糧路。設



伏擒獲。又賊陳楚生、朱漢明等叛服不常，尚功奮力勦馘。逆黨悉平。巡撫徐薦簡陝西興安鎮參將，與俗視編伍為利藪，奸豪每竄名其間，以營債恣剝削，嚴為禁止，捐一月俸給貧卒，弊始清。後調四川，以疾作乞致仕，未抵家卒。

熊之翰，字崧生，南巷人。齊耀子。初齊耀以明崇禎庚午舉人，為瀘溪教諭。時之翰尚幼，從父受讀，敏悟異恒。兒領順治辛卯鄉薦，授山西崞縣知縣。陞濟南府同知，牧民禮士，革弊剪奸，無一不本父訓。故所至有聲。奉檄督餉滇省，因衝犯霧露染疾卒。家貧不能奔喪。

豐城縣志

卷十四 人物

五

僚屬醵金歸其柩。

余友芳，字荊人，幼喪父，事母至孝。登順治丁酉副榜。會陳省齋衡文，粵東重其才，邀與俱，以母老辭。母諭以遊覽益學問，趣之去。友芳念母切，不數月馳歸。至後灣遇海寇，同難被殲六七人，將及友芳，怪其指甲修長，詰之，應聲曰：以受之父母，不敢毀傷耳。盜駭曰：秀才守身竟及指甲耶？釋之。歸孝養益摯。母歿哀禮兼盡。一衰衣終身不去。乾隆三年表其閭。所著有四書拾遺、尚書參補、禹貢圖記。同時黃士宏登康熙辛酉武科，亦以孝聞。奉



歷任德興湖口教諭。均以教澤治譜著聞。

唐金旭字幼昭。良臣曾孫。早喪父。與兩兄相師友。負奇慕古。每談兵。自比陳同甫。屬吳逆叛。

天子命親藩駐兵江西地。金旭以廩貢膺總制。薦入幕甚見敬禮。隨征湖南。指揮奏記主兵。輒稱古名將莫能過。以功授辰溪縣令。聞母病辭職馳歸。構別墅于北門外。顏曰草池園。奉母偕仲兄金星觴咏其間。凡邑中關民社事。毅然力持以襄。當事邑故倚以為重子之汪。中康熙庚午武科。

徐天德字吉士。斗門人。領康熙己酉鄉薦。戊辰中會副。

豐城縣志

卷十四 人物

七

授固安令。固巖邑。兵燹後學校邱墟。天德亟為修葺。設立義學。拔俊異肄業其中。渾河為患最鉅。天德身輦土石為徒卒先。不十旬而堤成。時有軍需之委。以不忍急民。故後期奪職。尋補霍山。例有茶貢胥役攤派百端。民有鬻妻兒以供役者。商賈來霍買茶。出入以部引為識。部歲給引三千道。每引一道。縣吏勒銀三四錢不等。即肩挑背負皆無脫。天德窮詰奸弊。槩為剔除。其紙張部費則以俸餘墊用。商民兩安。署篆六安。清廉茂著。去任日。百姓遮送。欵獻不忍釋。壬午分校南闈。所得皆知名士。以繼母憂回籍。居喪過哀。

尋卒。

李遇陞字珂鳴，邑郭司前人。康熙壬子舉于鄉，令松江之婁縣。婁賦役煩重，多抗逋。前令每以虧帑逮繫，遇陞至，首除黠吏，盡革耗羨，官籍民戶一例徵收。由是民競輸納，抗逋之俗遂變。尤精于發伏，有王傳夜殺其隣人無覺者，僧松月以謀財弑其師，移屍河干，誑稱盜殺。施三殺伯養子，以索裹屍置諸田，屍屬誣為其伯所殺。遇陞嚴審三獄，盡得其情，各寘之法。民稱為李青天。每月詣學課士，手定甲乙，并捐俸資其筆札。四年中未嘗以簿書故一缺課。宋中丞榮時撫蘇松，嘉其治行，列薦之以病乞歸。顏所居曰止廬。著有四書解、思田堂稿、婁江吟、止廬吟諸集。

豐城縣志

卷十四 人物

五

雷鉞字端臣，東城人。康熙壬子舉于鄉，授宜春教諭。律身方正，不輕徇守令。意旨有庠士楊士元、彭如潘者，因公事觸太守怒，禍幾不測。鉞曰：官可休心，不可昧殺人媚人。古人不為吾其為乎？力爭之上官，事遂得解。秉鐸十七載，講課無虛日。士風賴以振起。陞袁州府教授。四邑相慶得師，引年解組。士為立教思碑。旋里後鍵戶，著書不涉外事。王尹履仁甫下車，慕其芳型，先造其廬。壽八十六卒。

李雲會，初名雲龍，字紀上，號望越，湖茫人。前明時從祖材潛心理學，著望兩朝。雲會修其緒業，雅稱象賢。登康熙丙辰進士，改庶吉士，補禮部儀制司主事。陞吏部稽勲司員外郎。甲子典試滇南，明年陞考功司郎中。轉文選司郎中。居銓曹凡九載，矢公矢慎，莫干以私。當時有玉尺冰壺之譽。初貴，幸某，以雲會負盛名，欲一見爲重。囑同官爲之居，間卒不往。自念不諧于時，遂以疾請歸。居家孝友，慈和鄉評無間口。宋中丞犖稱爲一代典型。年六十餘卒。崇祀鄉賢。所著有滇行草，見性堂稿。

豐城縣志

卷十四 人物

三

萬儼，字賓上，後萬里人。幼孤力學，叔與兄惜其體羸，每夜深誦讀，戒以勿過勞苦。儼自是聞其來，輒息聲掩燈，作假寐狀，呼之不應。俟其去，復展讀，達旦以爲常。長而學問淹貫，試輒冠軍。康熙庚午，受知于顧觀廬，領鄉薦第一。明年禮闈，王阮亭得儼卷，定元數日，甲戌房考趙惺居，又以元薦俱俛，得復失。顧觀廬視學京畿，延入幕所，得館俸，悉以濟朋友。困急，瘞都門外，暴露棺骸，囊空。雖典衣稱貸，弗恤。事叔與兄最孝友。及歿，更厚撫其子。儼爲文雅潔高古，世號名元。卒，艱一第，人咸惜之。著有匡菴集。

徐良彥。夏港埠人。康熙初年。諸生父病。割股滴血。和藥以進。高督學甘卞二太守。王縣尹均扁獎其閭。徐良琦以母病。熟股肉奉之。病少瘥。復割如前。遂霍然愈。沈尹獎以純孝格天扁。同時鄒明滾九坊人。母病。剪股肉爲湯以飲母。是夕夢神告曰。上帝感汝孝。錫汝母六齡。已果驗。鄉里稱異。後有李遇春者。爵塘人。同妻劉氏。割股進父。縣尹周學諭萬。並以扁獎。徐宗煥。隱溪人。雍正九年。母已逾六旬。得膈疾。濱死。割股肉進食。母疾頓愈。迄今獲年大耄。割股不旌。恐其殘肢體。傷生命。反以奇節累庸行也。然念篤天親。捐生不惜。雖乖中道。而至性不可沒焉。

豐城縣志

卷十四 人物

三

雷會。字沂公。鉞之弟。年十三。冠童子軍。有崑山片玉之譽。康熙甲子。舉于鄉。癸未。成進士。任湖廣巴東縣事。巴地遼濶。叢山萬疊。治無城郭。學校應縣試。止數十人。會至。立義學。親爲講授。才一暮。來試者。遂至三百有奇。邑接壤蜀之建。始兩省民爭界。久不決。上官委會勘之。會履其地。陟降周察。判曰。兩山壁立。一河中分。由是奉爲鐵案。地鮮陶瓦。民廬悉覆茅茨。恒苦火終。會任無災。人以廉范擬之。山怪爲祟。牒之即滅。天旱祈雨。輒應。甲午分較鄉闈榜。首韓玉錫。屬其識拔。

尋以老乞歸。行李蕭然。時稱清介。

徐啟統字垂昆。水東人。父斌。康熙癸卯舉人。任廣東新興令。有廉惠聲。著禮記集腋。舉業家宗之。啟統姿性聰穎。學問淹洽。庚子來文體競趨。油滑獨矯。時弊自成一家。言司衡者。每有起衰式靡之目。康熙戊子。以拔貢領鄉薦第五。壬辰成進士。留京觀政。奉

特旨召試與修。

御選唐詩并禮記月令廣義書成。授中書。丁內艱歸。哀毀致疾卒。有制藝詩集若干卷。

戴之需字雨公。邑鄆人。天資高邁。博洽多能。凡經傳子

豐城縣志

卷十四 人物

三

史。旁及星官。歷筭醫卜諸書。皆通曉精義。人有叩者。輒欣然應付。無不得其指授以去。胸次磊落。無纖毫塵俗之累。家雖壁立。其樂自如。領康熙戊子鄉薦。任樂平教諭。修學校。勤考課。雅令宜人。羣相悅服。諸生中爭訟。輒以禮解釋。不復煩及有司。會年饑。躬延紳士。勸其出穀助賑。在任八年。卒于署。樂邑甚哀思之。鄆大年字永綏。泉塘人。家貧力學。少執勞役。養父母。撫二弟。力田鑿石。諸艱。瘁罔避。夜分讀書。晨起役作。如故。出就童試。薛尹景瑩識其才。首拔之。康熙辛卯舉于鄉。癸巳成進士。留京教習。以母憂南還。適滇南王

省齋。太史督學江右。趣致幕下。所得十三郡。士多名  
雋。時極頌王藻鑒。大年與有力焉。任浙江諸暨縣尹。  
釐剔奸弊。重士愛民。未久卒于任。

魏伯寧。東坑人。節婦任遺腹子。事母最孝。任九十三歲  
卒。時伯寧年七十二矣。廬墓三年。不忍歸。李方伯獎  
其門曰。耄期孺慕。諸生陸為彩。字白受。仙音巷人。節  
婦雷氏子。幼時即解。孝敬。母病必宿牀下。親調湯藥。  
雷年未六十卒。為彩哀毀逾性。未四十隨卒。

劉承祥。字旋吉。宋傑士克裔。康熙癸巳歲貢。任崇仁訓  
導。尊名教。尚節義。嚴程課。抑奔競。無忝師範。而性情  
和粹。藹如春風。在任十二載。雅服士心。學前有橋。為  
往來孔道。水發衝決。遂解俸倡修。并募好義者捐貲  
共成之。其橋乃獲堅完。隱隱若卧虹。然年七十卒于  
官。

豐城縣志

卷十四 人物

范華。字維常。邑郭智林巷人。領康熙癸巳鄉薦。任山東  
安邱縣令。邑胥役為奸。馱法婪賄。深為民害。華至極  
力振刷。有犯者。輒寘之法。積弊以革。遇命盜刑獄。加  
意矜恤。察其濫枉。必多方求生之。民素貧疲。多逋賦。  
每催科不妄差。遣亦不輕事鞭扑。安邑有慈父母之  
稱。未幾以征輸後期解組。華事親嘗以孝聞。處兄弟



間白首無違言。性恂謹渾。樸立身行事凜。守米淵。前尹顧高其品。誼敦請鄉飲。復上其善行于督憲。列名旌善亭。以示勸焉。

李景運，字會可，冢宰裕裔孫。學有淵源。才具幹濟。登康熙戊戌進士。授揭陽縣尹。首念昌黎經化之地。教育不可少緩。遂于城之東西立兩義學。延名宿主其教。公餘親詣講論。課其甲乙士子。益相勸勉。邑產鹽例。有獻納。以此商竈昂其價值。官不能禁。景運曰。奈何以我故病民。峻却不受。舊有落地稅。雖斗粟尺布入市必稅之。爲請于上臺。悉捐除焉。積困以甦。會歲大

豐城縣志

卷十四 人物

三

饑。亟請發粟賑貸。勸富民平價出糶。又捐俸設粥。賑給。所全活甚衆。兩院嘉其績。將列薦。以母艱去。士民爲祀其主于潘公祠。潘公者。前明揭令潘維岳也。能拊循其民。以盡父母之誼。景運治行相埒。因合祀其中。顏曰潘李二公祠。匍匐抵家。哀毀過甚。不數月卒。所著有狂言集。清芬編。

杜名世，字臣恭，鶴村人。幼孤。隨母適甘姓。遂冒姓甘。初講學于雪坡書室。四方從遊日盛。立省試錄。以嚴課程。多所成就。雍正癸卯舉于鄉。庚戌以明通榜。授大庾教諭。拔單寒士。肄業學署。資以膏火。又懇懇太守。

闕東山書院。守雅重之。即延主講席。虔人士咸服其教。陞廣東潮州府。額外教授。潮故海濱。鄒魯加以扶獎訓。迪鳳棲鯉徙之間。士習文風益上。尋以老請歸。著有舉業要言。冷香亭集。

李紹庭。字二學。太史貴裔孫。康熙丙申歲貢。執經門下。無間遠近。平生篤于友愛。與伯兄紹衣相師友。兄死。子尋天。撫其遺孫若己出。尤有德量。雖犯不校。然人亦莫敢欺侮。授德興訓導。按期課士。每題必構一藝爲式。所定甲乙。咸相傾服。先是同官某厚取入泮。贄幣如索。逋賦士苦焉。紹庭申狀各憲。請革陋規數事。

豐城縣志

卷十四 人物

三

贄幣其一。各憲報可。同官深啣之。謀搆百端。卒以其素守清正。莫中也。卒于任。遺橐蕭然。紳士醵金爲賻。歸其柩。哭送數十里外。

熊履廷。字來周。瓘山人。十歲善屬對。有老宿莫能過者。長工詩古文詞。爲諸生名噪。江省白大學士潢撫江時。重其才。遇山川樓閣名勝詞賦。輒緘題。馳驛命其擬作。遠近索題詠及。載酒問字者無虛歲。康熙乙酉丙午。數經首薦不售。以歲貢終。晚年益杜門。眠食于古。而思以立言垂不朽。著有也藏山文集二十卷也。耽吟詩集三十八卷。詩清遠閒曠。皎皎若雲中鵠。同

邑李太史雲會序其集

熊源字遠瀾。泊濂人。雍正壬子歲貢。舉賢良方正。又舉博學鴻詞。皆不就。惟潛心經史子集。講明宋儒之學。每言讀書最能養心。其得力尤在近思錄。謂其廣大淵深。當與五經四書並垂。學者最宜體玩。爲文循理。按法。逼真成弘。操觚者稱爲文家正派。性質實不喜華靡。門下士或器具精美。衣冠艷麗者。必令撤去。戒之曰。士夫崇尚奢侈。庶民效之。流弊將于胡底。康熙辛巳。洪水決堤。禾無。秋流殍相望于道。而兩稅追呼方急。源憫之。上書于薛尹景瑩。痛哭流涕。累累千餘

豐城縣志

卷十四 人物

五

言。薛尹爲之停征。民賴以甦。友人以修堤建言。幾得罪者。同輩咸畏避。莫敢發聲。源獨代爲申辯。免友于禍。蕭然四壁。畧不介意。臨卒恨未終養其親。命家人葬以衰麻。以誌其痛。遺稿有詩一卷。制藝一卷。讀書劄記一卷。古文詞若干卷。

周道竣字嵩居。苦竹人。幼孤。見母夜績。面向壁飲泣。母覺對曰。兒額爲壁中不耐痛耳。家赤貧。有弟父存時。已鬻爲他人子。母言及不勝欷歔。嘗爲人牧。飯有肉。必懷歸遺母。逾年不取傭值。主詰其故。乃言欲積錢贖弟。以慰母憂。主倍予值。遂贖弟歸。母卒既葬。距家

約三里許。日治田事。夜則徒跣哀號就墓次宿。終三年如一日。乾隆四年旌其廬。

甘師盤字又學。邑郭大街人。越父歿數月而生。母陸苦節自守。撫而誨之。髫年有志聖賢之學。潛心濂洛關閩等書。力闢王姚江。又謂吳草廬于朱陸作調停。終是私意。補弟子員。後即淡于進取。手大學一卷。紬繹玩味。血脉貫通。如與傳者面晤於四子書。及義經實有所得。諸講章觸手頓覺粉碎。教門下士務以明理戒欺爲主。著有大學管窺。四書駁謬。周易述義。

葛奇菽。塘下人。目不知書。性最孝。七歲喪父。便極哀毀。

豐城縣志

卷十四 人物

三

長竭力事母。母失明。家貧不能娶婦。主中饋事。出耕田。入執爨。以養母。夜編草爲履。詢母欲旦易以進務。得母歡。母死號痛欲絕。葬之夕。天雨即張蓋墓。所達旦已而結草廬于側。不設榻。惟藉草而卧廬窄。不容膝伸足。輒露宿于外。日上食如母生時。出與反皆跪告墓前。旦夕燃香。久之香跋成堆。樵子牧豎感其孝。無戲取者。雖數經霜雪。香跋依然。初廬墓月餘。廬火復爲之復火。或曰。此地非可久居。天憐若孝。焚若廬促若歸耳。謝曰。母死吾安歸。卒不去。一夕里人數輩乘月往瞰之。見其曠野孤身。熒熒苦由。旁一巨蛇蟠

伏若馴擾者。且異且憐。相與歎息而去。明日詢之。則曰。此蛇夜來旦去。已三年矣。其後竒菽卒。蛇遂不見。里人于其母塚側葬之。即呼爲孝子墓。云。

朱尚文。字斐章。東溪人。雍正丙午歲貢。攻苦力學。博識經傳子史。每云讀書日積月累。識見自然濶大。遇事自有柄攬。爲文自有根底。居恒言動皆不苟。嘗取四圓石墊坐席。習爲莊。容人號閉戶先生。尤篤孝友。自父歿。訖葬時。八載不御酒肉。事叔暨兄極敬禮。時分館穀予之。先是其鄉條漕兩賦。多爲差歇。侵食累賠。蕩產鬻妻兒無算。尚文糾同里立義圖。刻限自輸。免

豐城縣志

卷十四 人物

三

差豁累。公私便之。并立鄉約所。顏爲明義處。積穀其間。濟鄉隣困急。朱尹懷杖獎以扁曰。義率鄉邦。初授福建龍巖州。額外學正。兼漳平寧洋二縣學分。月駐巡。手畫口授集。刻五經四書正音。有裨音學。後補廣信府訓導。教士以立體致用爲首。辨斥釋道兩家尤嚴。以老致仕歸。郡邑紳士咸以詩餞。